



Broj: 10-05-21788/17  
Sarajevo, 24.08.2017. godine

## SKUPŠTINA KANTONA SARAJEVO

### **PREDMET : *Odgovor na zastupničko pitanje – dostavlja se***

**Zastupnik Mario Vukasović** je na 31. Radnoj sjednici Skupštine Kantona Sarajevo, održanoj 05.07.2017. godine, u okviru tačke Dnevnog reda "Zastupnička pitanja, inicijative i odgovori", postavio zastupničko pitanje koje glasi:

„Prosječna mjesečna potrošačka korpa u Bosni i Hercegovini u 2017. godini iznosi preko 1800 KM. To znači da jedna prosječna radnička porodica samo za osnovne životne potrebe mora mjesečno izdvojiti skoro 2000 KM da bi uopće sastavili kraj sa krajem.

U mjesecu Aprilu, uprava Apoteka Sarajevo je smanjila platu svim radnicima za oko 100 KM, pa se tako desilo da su neki radnici dobili tek oko 600 KM svoje plate bez da su im obračunati prekovremeni sati. Da se neće zadržati na ovome govori i informacija da uprava sprema novi obračun plata čime će radnicima plata biti trajno smanjena.

Naravno, iz uprave nisu primijenili isti način obračuna plata za sebe, jer koliko imam informacije, plate direktora su ostale žestoko iznad zakonskog maksimum i one iznose više od 3000 KM.

S tim u vezi, tražim da mi iz Ministarstva, Vlade KS i JU Apoteke Sarajevo daju odgovore na sljedeća pitanja:

1. Da li je tačno da JU Apoteke Sarajevo imaju tri izvršna direktora, iako Zakon kaže da ne mogu imati izvršne direktore? Prema mojim informacijama, Apoteke imaju izvršnog direktora za farmaciju, za pravne i kadrovske poslove i za finansije i računovodstvo. Ukoliko se ovo ispostavi tačnim, tražim od Ministarstva, Vlade KS i ustanove da ovo shvate kao inicijativu i pokrenu proceduru kako bi se ukinule ove pozicije.

2. Molim vas da mi dostavite tačne iznose primanja koja ostvaruju izvršni direktori i direktor u JU Apoteke Sarajevo zajedno sa eventualnim isplaćenim bonusima i prekovremenim satima. Prema mojim informacijama one su iznad zakonskog maksimuma od tri prosječne plate.

3. Koliko je novih radnika primljeno od 01.01.2017.-01.07.2017.? Koja je stručna sprema, dob, visina plate, vrsta ugovora (određeno/neodređeno) i na koje pozicije su primljeni tačno ti radnici, i da li su bili raspisani konkursi za ove pozicije?

4. Da li je istina da finansijska policija vrši provjere u ustanovi po pitanju pogrešnog dostavljanja informacija o robnim rezervama prema Vladi KS i Ministarstvu?

5. Da li je u pripremi, ili usvojena, nova sistematizacija prema kojoj će radnicima biti manje plate?

6. Da li su novousvojeni pravilnici u skladu sa Zakonom o radu? Molim vas da mi ih dostavite.

7. Da li je tačno da UO Apoteka Sarajevo nije legalan jer u njemu nema predstavnika radnika? Kako su Vlada i Ministarstvo uopće mogli dati saglasnost za njegovo imenovanje?“

U vezi sa postavljenim zastupničkim pitanjem, u prilogu akta dostavljamo Odgovor JU „Apoteke Sarajevo“.

S poštovanjem,



Co: Stručna služba Vlade Kantona Sarajevo



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104, Fax: + 387 (0) 33 562-243  
Sarajevo, Reisa Džemaludina Čauševića 1



Bosna i Hercegovina  
Federacija Bosne i Hercegovine  
KANTON SARAJEVO  
Ministarstvo zdravstva  
N/p dipl. oec. Zilha Ademaj, ministrica

N/p zastupnika gospodina Mario Vukasović

Broj: 01-03-1070/17  
Sarajevo, 24.07.2017. godine.

**PREDMET:** Odgovor na zastupničko pitanje, dostavlja se  
Veza, vaš broj: 01-05-21788/17 od 10.07.2017. godine.

Dana 10.07.2017. godine JU „Apoteke Sarajevo“, zaprimila je dopis upućen od strane Ministarstva zdravstva Kantona Sarajevo broj gornji u kojem je zastupnik Mario Vukasović na 31. Radnoj sjednici Skupštine Kantona Sarajevo, održanoj 05.07.2017. godine, u okviru tačke Dnevnog reda „Zastupnička pitanja, inicijative i odgovori“, a u vezi s Poslovníkom Skupštine Kantona Sarajevo, postavio zastupnička pitanja, na koje vam ovim putem dajemo odgovore.

1. Na upit o navodnom smanjenju plaće u mjesecu aprilu 2017. godine, obavještavam Vas o sljedećem:

Obračun plaća je definisan Pravilnikom o plaćama, dodacima i naknadama plaća, te ugovorima o radu potpisanim sa svakim zaposlenikom. Prema navedenom, obračun plaće se vrši sljedećom formulom:

***Osnovica za obračun plaće = Broj radnih dana \* Broj radnih sati \* Neto satnica***

***Neto plata = Osnovica za obračun plaće \* Koeficijent složenosti poslova***

- Neto satnica je odrađena Članom 7. Općeg kolektivnog ugovora za teritoriju FBiH;
- Broj radnih sati predstavlja stvarno odrađeno broj radnih sati zaposlenika;
- Koeficijent složenosti poslova je ugovoreni koeficijent sa zaposlenikom, a u skladu sa Pravilnikom o plaćama.

U skladu sa navedenim, obračun plaće za mjesec April 2017 g. je izvršen na način kako slijedi:

Broj radnih dana = 20

Broj radnih sati = 8h (u toku sedmice 40h)

Neto satnica = 2,31 KM

**Osnovica za obračun plaće = Broj radnih dana \* Broj radnih sati \* Neto satnica = 20 \* 8 \* 2,31 = 369,60 KM**

Neto plaća predstavlja umnožak osnovice za obračun plaće i koeficijenta složenosti posla.

Od sredine mjeseca Novembra 2017 g. počinje primjena novog Općeg kolektivnog ugovora koji propisuje neto satnicu od 2,31KM, te je u skladu s tim niže prikazana tabela koja prikazuje gore pomenute osnovne parametre obračuna plaće:

Mjesec	br.sati	satnica	osnovica
Januar	176	2,31	406,56
Februar	160	2,54	406,40
Mart	184	2,31	425,04
April	160	2,31	369,60

Iz izloženog se vidi da je JU „Apoteke Sarajevo“ u svakom mjesecu plaću obračunavala primjenom propisane neto satnice, izuzev Februara 2017 g. kada je odlukom generalnog irektora zbog činjenice da su u Martu mjesecu predstojali „Dani sa Apotekama Sarajevo“ odlučeno da se uposlenici stimulišu na način da se poveća neto satnica sa 2,31KM na 2,54KM.

2. Na upit zastupnika o broju izvršnih direktora, informišemo vas o sljedećem.

Odlukom o izmjenama i dopunama Statuta JU „Apoteke Sarajevo“ (Službene novine Kantona Sarajevo broj: 20/16), došlo je do izmjene strukture menadžmenta na način da je menadžment sa dotadašnjih osam članova, smanjen na četiri člana, kako slijedi:

- Generalni direktor
- Izvršni direktor za farmaceutske poslove
- Izvršni direktor za finansije i računovodstvo
- Izvršni direktor za pravne i kadrovske poslove

Iz izloženog se vidi da su izvršni direktori JU „Apoteke Sarajevo“, statutarna kategorija, te da je prethodno pomenutim izmjenjama smanjen broj članova menadžmenta za 50% u odnosu na raniji period.

3. Na upit o visini plaće generalnog direktora i izvršnih direktora, obavještavamo Vas o sljedećem:

Plaća generalnog direktora isplaćuje u skladu sa odredbama Zakona o plaćama i naknadama članovima organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo (Službene novine Kantona Sarajevo, broj 10/16) i Uredbe o određivanju visine plaća i naknada organa upravljanja i drugih organa institucija Kantona Sarajevo, javnih preduzeća i javnih ustanova čiji je osnivač Kanton Sarajevo (Službene novine Kantona Sarajevo, broj 41/16).

U skladu sa članom 11. stav (1) Zakona, osnovna mjesečna neto plaća direktora utvrđuje se u iznosu od tri prosječne mjesečne neto plaće isplaćene u Federaciji BiH u prethodna tri mjeseca prema posljednjem objavljenom podatku Federalnog zavoda za statistiku.

U skladu sa članom 15. Zakona i Odlukom Vlade Kantona Sarajevo broj: 02-05-2840-19/17 od 02.02.2017 godine, osnovna mjesečna neto plaća direktora bit će uvećana za 30%.

U odnosu na plaće izvršnih direktora, Statutom JU „Apoteke Sarajevo“ (Službene novine Kantona Sarajevo, broj 4/14 i 20/16) i Pravilnikom o radu JU „Apoteke Sarajevo“, broj 01-01-770-2/17 od dana 06.07.2017. godine, određeno je da iste utvrđuje generalni direktor.

4. Zbog značajnog smanjenja broja radnika u ranijem periodu, prvenstveno zbog odlaska u penziju, znatno je otežan rad u apotekama, posebno u smislu pokrivenosti svih apoteka brojem i strukturom obaveznog farmaceutskog kadra koji je propisan zakonom, kao i otežanih okolnosti u primjeni Zakona o radu u smislu prava radnika (godišnji odmori, bolovanje, i dr.). Statistički posmatrano, van radnog procesa u ustanovi je u svakom momentu 9% radnika na bolovanju, tačnije 36 radnika.

U cilju prevazilaženja problema deficiratnosti kadra, u periodu od 01.01.2017 do 01.07.2017. godine u izvještajnom periodu je primljeno u radni odnos 18 novih radnika na određeno vrijeme, i to:

- 7 magistara farmacije;
- 5 farmaceutskih tehničara;
- 5 radnika nezdravstvene struke.

5. Netačni su navodi da Finansijska policija vrši provjere u JU „Apoteke Sarajevo“ po pitanju pogrešnog dostavljanja informacija o robnim rezervama prema Vladi KS i Ministarstvu.

Naime, predmet provjere Finansijske policije su uzroci isteka roka trajanja robnih rezervi u lijekovima. Predstavnici JU „Apoteke Sarajevo“ imaju odličan odnos sa inspektorima na svim nivoima, uključujući inspektore Federalne policije, koji su izrazili zahvalnost na odličnoj saradnji, transparentnosti i otvorenosti informacija.

6. Novi Pravilnik o radu JU „Apoteke Sarajevo“ – nadalje u tekstu kao „Pravilnik“ je donesen na osnovu čl. 118. Zakona o radu („Službene Novine Federacije BiH“, broj 26/16), a usklađen je sa Zakonom o radu, odredbama Općeg kolektivnog ugovora za teritoriju Federacije BiH

(„Službene novine Federacije BiH“, broj 48/16), Zakonom o plaćama i naknadama organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“ broj 10/16), odredbama Statuta Javne ustanove „Apoteke Sarajevo“ („Službene novine Kantona Sarajevo“, br. 4/14 i 20/16) i Odlukom Upravnog odbora JU „Apoteke Sarajevo“ o novoj unutrašnjoj organizaciji JU „Apoteke Sarajevo“ (Broj: 01-01-113-3/17).

Prije njegovog donošenja, tačnije 22.05.2017. godine, Pravilnik je u skladu sa odredbama člana 118. stav (2) Zakona o radu Federacije BiH dostavljen Sindikatu na konsultacije. Nakon provedenih konsultacija, Sindikat je dana 29.05.2017. godine dostavio pismeno „Očitovanje na Prijedlog Pravilnika o radu JU „Apoteke Sarajevo“.

Dana 07.06.2017. godine, Upravni odbor JU „Apoteke Sarajevo“ je na Šestoj sjednici razmotrio „Očitovanje Sindikata“, usvojio sve prijedloge, primjedbe i sigestije koje su bile osnovane i utemeljene u skladu sa zakonom i donio Odluku o njegovom usvajanju broj: 01-01-770-2/17.

Dana 20.06.2017. godine, Ministarstvo zdravstva Kantona Sarajevo je donijelo Odluku o davanju saglasnosti na Pravilnik o radu JU „Apoteke Sarajevo“ broj: 10-02-20878/17 od 20.06.2017. godine, koja je JU „Apoteke Sarajevo“ dostavljena dana 22.06.2017. godine.

Dana 27.06.2017. godine Pravilnik o radu JU „Apoteke Sarajevo“ broj: 01-01-770-2/17 od 07.06.2017. godine, objavljen je na oglasnoj ploči u sjedištu JU „Apoteke Sarajevo“, na adresi S. H. Muvekita broj 11., a stupio je na snagu osam dana od dana objave, to jeste 05.07.2017. godine.

Shodno odredama čl. 178. st. 3. Zakona o radu F BiH, nakon usaglašavanja Pravilnika o radu, sa odredama Zakona o radu, niti jedan radnik nije stavljen u nepovoljniji položaj u pogledu uslova pod kojima je radni odnos zasnovan, odnosno pod kojima su bili uređeni radni odnosi radnika i poslodavca, prije pomenutih izmjena.

Slijedom navedenog proizilazi da plaće uposlenih ni ukom slučaju nisu smanjene usvajanjem noog Pravilnika o radu, već su zadržani već postojeći koeficijenti.

8. Što se tiče upita da li je Upravni odbor „JU „Apoteke Sarajevo“ legalno izabran, to je u isključivoj nadležnosti Vlade Kantona Sarajevo.

I na kraju želimo da Vas podsjetimo da je JU „Apoteke Sarajevo“ kantonalna javna zdravstvena ustanova iz oblasti primarne zdravstvene zaštite i osnovana je radi nabavke, čuvanja i snabdijevanja lijekovima i medicinskim sredstvima zdravstvenih ustanova i stanovništva Kantona Sarajevo. Za razliku od drugih kantonalnih javnih zdravstvenih ustanova čiji je Osnivač Kanton Sarajevo, naša ustanova je samofinansirajuća, vanbudžetska ustanova, te istovremeno ima i proizvodni i komercijalni karakter.

U službi smo građanima 24 sata i trudimo se permanentno našu uslugu učiniti boljom, profesionalnijom i lakše dostupnom našim korisnicima.

Za sva eventualna pitanja i informacije, slobodni ste nas kontaktirati.

S poštovanjem,

**JU „APOTEKE SARAJEVO“**  
**Prim. mr. ph. Sait Muradić**  
**Generalni direktor**



Dosaviti:  
-naslovu  
-a/a